

Dr. Sead Kreso, redovni profesor, predsjednik Komisije

Ekonomski fakultet Univerziteta u Sarajevu

Oblast: Finansije

Dr. Dženan Đonlagić, redovni profesor, član Komisije

Ekonomski fakultet Univerziteta u Sarajevu

Oblast: Finansije

Dr. Muharem Karamujić, redovni profesor, član Komisije

Ekonomski fakultet Univerziteta u Sarajevu

Oblast: Finansije

Sarajevo, 18. septembar 2020. godine

**VIJEĆU EKONOMSKOG FAKULTETA UNIVERZITETA U SARAJEVU
I SENATU UNIVERZITETA U SARAJEVU**

Na osnovu Zakona o visokom obrazovanju, Pravila Univerziteta u Sarajevu, Pravila Ekonomskog fakulteta u Sarajevu i Odluke Vijeća Ekonomskog fakulteta u Sarajevu od 09.06.2020. godine i Odluke Senata Univerziteta u Sarajevu broj: 01-14-73/20 od 24.06.2020., raspisan je konkurs za izbor jednog nastavnika u zvanju vanredni profesor na oblast Finansije, puno radno vrijeme. Na konkurs, koji je objavljen 30.06.2020. godine u dnevnom listu „Dnevni Avaz“ i Internet stranici Ekonomskog fakulteta Univerziteta u Sarajevu (www.efsa.unsa.ba), prijavio se jedan kandidat **doc. dr. Mirza Kršo**, navodeći u prijavi da se prijavljuje za izbor u zvanje vanrednog profesora.

Na osnovu Odluke Vijeća Ekonomskog fakulteta u Sarajevu 08. 09. 2020. godine i Rješenja Dekana broj 02-4011/2020 od 08. 09. 2020. godine imenovani smo za članove Komisije za pripremu prijedloga i Izvještaja o izboru nastavnika u zvanju vanredni profesor na oblast Finansije, puno radno vrijeme.

Prema Potvrdi Službe za pravne i personalne poslove broj 07-6-4059/20 od 08.09.2020. godine Komisija je utvrdila da je kandidat doc. dr. Mirza Kršo blagovremeno dostavio

potpunu dokumentaciju, usklađenu sa uslovima iz Konkursa i predviđenu zakonskim propisima (član 96 Zakona o visokom obrazovanju, "Sl. novine Kantona Sarajevo" br. 33/17; i članovi 194., 201., 202. i 203. Statuta Univerziteta u Sarajevu).

Kandidat doc. dr. Mirza Kršo priložio je biografiju/CV (u štampanoj i elektronskoj formi), izvod iz matične knjige rođenih, uvjerenje o državljanstvu, diplomu prvog, drugog i trećeg ciklusa studija, uvjerenje o položenim ispitima na prvom, drugom i trećem ciklusu studija, dokaz o provedenom izbornom periodu u zvanju docenta, spisak objavljenih radova sa naznakom autorstva i koautorstva (u štampanoj i elektronskoj formi), dokaz o publikovanju radova (tekst objavljenih radova u štampanoj formi i/ili potvrdu o prihvatanju radova za objavljivanje nakon uspješno okončanog double blind peer review procesa), dokaz o uspješno završenom mentorstvu najmanje jednom kandidatu za stepen drugog ciklusa studija odnosno reformiranog/integriranog studija, dokaze o učešću na projektima, certifikate o poznavanju stranih jezika (engleski jezik) i rada na računaru, dokaze o nagradama i priznanjima, te dokaze i informacije o drugim aktivnostima vezanim za njegovu naučnu i stručnu aktivnost (certifikati o učešću na seminarima, radionicama i konferencijama, dokazi o recenziranju radova). Na osnovu pregleda Prijave i priložene dokumentacije, Komisija podnosi Vijeću Ekonomskog fakulteta Univerziteta u Sarajevu i Senatu Univerziteta u Sarajevu sljedeći:

IZVJEŠTAJ

1. BIOGRAFSKI PODACI

Mirza Kršo je rođen 10. oktobra 1983. godine u Sarajevu. Nakon završene osnovne i srednje škole u Sarajevu, upisuje dodiplomski studij na Ekonomskom fakultetu u Sarajevu, gdje je kao jedan od najboljih studenata i predsjednik generacije studenata diplomirao 2007. godine na Ekonomskom fakultetu na smjeru Bankarstvo i osiguranje.

Po okončanju studija, prvi dio karijere je proveo u privatnom sektoru u auto industriji, građevinskoj industriji i finansijskom sektoru, tj. industriji osiguranja.

Potom upisuje i završava magistarski studij Finansijskog menadžmenta na Ekonomskom fakultetu u Sarajevu, nakon čega je uspješno odbranio magistarski rad na Ekonomskom

fakultetu u Sarajevu 2011. godine. Zatim, 2012. godine upisuje doktorski studij Ekonomskog fakulteta u Sarajevu u kooperaciji sa Ekonomskim fakultetom Ljubljana i University of Vienna. Pod mentorstvom prof. dr Dženana Đonlagića, u junu 2015. godine je odbranio doktorsku disertaciju pod nazivom “*Uticaj poreza na dobit preduzeća na ekonomsku aktivnost u Federaciji Bosne i Hercegovine*”.

Od 2009. godine je zaposlen na Ekonomskom fakultetu Univerziteta u Sarajevu u zvanjima asistent, a zatim viši asistent na oblasti „Finansije“

Kandidat se aktivno služi engleskim jezikom, vlada kompjuterskim vještinama i posjeduje adekvatno nastavno-pedagoško iskustvo.

2. PROFESIONALNI ANGAŽMAN

| | |
|------------------|--|
| 2015. – trenutno | Ekonomski fakultet Univerziteta u Sarajevu, nastavnik u zvanju docent na oblasti Finansije |
| 2011. – 2015. | Ekonomski fakultet Univerziteta u Sarajevu, saradnik u zvanju viši asistent na oblasti Finansije |
| 2009. – 2011. | Ekonomski fakultet Univerziteta u Sarajevu, saradnik u zvanju asistent na oblasti Finansije |
| 2008. – 2009. | VGT osiguranje d.d., Stručni saradnik za preuzimanje rizika |
| 2007. – 2008. | Tondach d.d., Analitičar prodaje |

Na Ekonomskom fakultetu Univerziteta u Sarajevu, dr Mirza Kršo je zaposlen od 2009. godine (akademske 2008.-2009. godine, kandidat je bio angažovan kao vanjski saradnik na Katedri za finansije). Kandidat je započeo svoj radni vijek na EFSA kao saradnik u zvanju asistent, puno radno vrijeme, na oblast “*Finansije*”. Od januara 2012. godine je saradnik u zvanju viši asistent, puno radno vrijeme, na oblast Finansije, a potom kao docent od 2015. godine.

Pored nastavnih aktivnosti, u toku svog dosadašnjeg rada na Ekonomskom fakultetu Univerziteta u Sarajevu je obavljao dužnosti Sekretara Katedre za finansije u periodu 2011. – 2013. godine, Sekretara indeksirane publikacije Ekonomskog fakulteta u Sarajevu *Sarajevo*

Business and Economics Review/Zbornik radova, te člana Organizacionog odbora Medjunarodne konferencije ICES 2010., 2012., 2014. i 2020 godine.

3. NAUČNO-ISTRAŽIVAČKI RAD

3.1. Knjige, istraživačke monografije i poglavlja u knjigama

1. Lazović-Pita, L. I Kršo, M., Javni prihodi u Bosni i Hercegovini - odabrane teme, Dio 1 / Lejla Lazović-Pita i Mirza Kršo Izdavačka djelatnost Ekonomskog fakulteta u Sarajevu, Sarajevo, 2020. – elektronsko izdanje; (192 str.) ISBN 978-9958-25-149-8

Fokus ove naučne knjige uredničkog tipa je u davanju sažetog prikaza odabranih tema u okviru javnih finansija u BiH. U knjizi se na aktuelan i naučno-utemeljen način problematiziraju odabrane oblasti javnih prihoda u BiH koje do sada, u pravilu, nisu bile predmetom naučnih i stručnih analiza u BiH.

3.2. Naučni radovi u časopisima i zbornicima radova (peer reviewed journals & peer reviewed proceedings)

1. Kozarić, K., Žunić-Dželilhodžić E. i Kršo, M. (2020). Foreign direct investments in Western Balkan countries – comparative analysis. Zbornik Radova/Sarajevo Business and Economics Review Ekonomski Fakultet U Sarajevu, Broj 38, 117.
(Indeksirano: ProQuest, EBSCO, CEEOL)

U radu se analiziraju nivoi i efekti stranih direktnih investicija (FDI) u ekonomijama u razvoju, općenito, te zemljama Zapadnog Balkana, specifično. Korelacija između nivoa priliva FDI i stope rasta BDP-a je do 2008. godine, pored utemeljenja u analizi relevantnih podataka, bila i snažan argument za reformu cijelog niza regulativa i politika u finansijskom sektoru. Međutim, kako se u radu prezentuje, iskustvo poslije 2008. je praktično nesvodivo na zajednički sadržilac između zemalja Zapadnog Balkana, te je fokus na istraživanju dimenzija zabilježenih promjena i mogućih uzroka njihovog intenziteta i pravca kretanja.

2. Begović, S., Kršo, M. i Kozarić, K. (2019). The Sustainability and Desirability of a Currency Board Arrangement with Reflections on Bosnia and Herzegovina's Currency Board, ICEI 2019, Conference Proceedings. (Indeksirano: Web of Science – WOS, EBSCO)

Rad istražuje koncepte održivosti i poželjnosti monetarnog režima / politike te njihove glavne karakteristike u kontekstu valutnog odbora kao specifičnog monetarnog režima. Analiza obuhvata pozitivne karakteristike postojećeg monetarnog režima koje su doprinijele stabilnosti BiH makroekonomskog okvira u posmatranom periodu kao i potencijalni budući efekti, te manjkavosti koje su u formi oportunitetnih troškova imale odraza na vrijednosti odabranih varijabli makroekonomskog okvira i njihov potencijalni uticaj na održivost aranžmana valutnog odbora Bosni i Hercegovini (BiH) u u srednjoročnom i dugoročnom periodu.

3. Kršo, M. i Šašić, Đ. (2019). Efficiency in Public Sector of Bosnia and Herzegovina through the Lens of Fiscal Federalism: Exploring the Basic Principles of Fiscal Federalism in one of the most Federalist Countries in the World. ICAMSS'19, 110. (Indeksirano: EBSCO, CEEOL)

U radu se istražuje okvir fiskalnog federalizma u Bosni i Hercegovini. Prvi izazov je pokušaj povlačenja jasne teoretske linije između političke i fiskalne dimenzije federalizma. Potom, evaluirane su ključne karakteristika sistema fiskalnog federalizma u BiH u odnosu na standarde koji su se u proteklim decenijima iskristalisali u relevantnoj literaturi, a na osnovu podataka iz CPI baze. Izdvajajući problematiku labavih budžetskih ograničenja, scheme transfera i grantova između različitih nivoa vlasti, te definisanja i izbora odgovarajućih poreskih osnovica kroz prizmu efikasnosti, gotovo bez izuzetka su identifikovani i potvrđeni stavovi o izostanku najboljih praksi fiskalnog federalizma u praksi BiH, te posljedičnih suboptimalnih ishoda u sferi efikasnosti.

4. Kršo, M. i Kozarić, K. (2019). Evaluacija okvira za analizu održivosti i upravljanja javnim dugom Bosne i Hercegovine. Zbornik Radova/Sarajevo Business and Economics Review Ekonomski Fakultet U Sarajevu, Broj 37, 119. (Indeksirano: ProQuest, EBSCO, CEEOL)

U radu se istražuje da li Bosna i Hercegovina suvereno upravlja svojim javnim dugom i na koji način to eventualno čini. Rezultati ukazuju na ozbiljne manjkavosti okvira za analizu održivosti (DSA) javnog duga BiH i izostanka njegove primjene kao inputa u procesu upravljanja javnim dugom. Dapače, upravljanje javnim dugom se čini, u najboljem slučaju, prisutno u formi pasivnog pristupa bez identifikovane prave strategije, statističke osnove i instrumenata za adresiranje identifikovanih rizika u njegovom portfoliju.

5. Šašić, Đ. i Kršo, M. (2019). Primjena modela “Zajedničkog okvira za ocjenjivanje“ u mjerenju uspješnost i organizacija javnog sektora. *Uprava Br. 20, 7-20.* (Indeksirano: EBSCO, CEEOL)

U radu su istraženi posebni problemi upravljanja kvalitetom u javnom sektoru kroz optiku Zajedničkog okvira ocjene (CAF). Rad se bavi evaluacijom Zajedničkog okvira ocjenjivanja u zemljama Evropske unije i strukture korisnika unutar određenih sfera javnog sektora analizirajući prednosti i nedostatke modela kao i kumulativne prednosti njegove primjene. Rezultati istraživanja jasno ukazuju na visoki potencijal Zajedničkog okvira ocjene kao alata za cjelokupno upravljanje kvalitetom u javnom sektoru u zemljama EU.

3.3. Učešće u naučno-istraživačkim i stručnim projektima

1. Halilbašić M., Kršo M. (2019). *Analiza efikasnosti Sistema raspodjele i izravnavanja javnih prihoda između tri glavna nivoa vlasti u Federaciji BiH,* Ekonomski institut Sarajevo
2. Kreso, S., Halilbašić M., Kršo M. i Kozarić, K.. (2018). *Strategija upravljanja javnim dugom za period 2018 -2022,* Ekonomski institut Sarajevo
3. Kreso, S., Halilbašić M., Kršo M. i Lazovic – Pita L. (2017). *Analiza efekata primjene Zakona o porezu na imovinu i zakona o porezu na promet nepokretnosti i prava u Kantonu Sarajevo sa aspekta njihovog utjecaja na javne finansije, poslovno okruženje i životni standard.* Ekonomski institut Sarajevo

3.4. Mentorstva

1. Azur Sofić (2018) "Komparativna analiza poreskih poticaja u sistemu poreza na dobit u FBiH i zemljama regiona"
2. Minela Duran (2018) "Analiza značaja temeljnih procesa kontrolinga u poslovanju inansijskih institucija"

4. NASTAVNO-PEDAGOŠKI RAD

Kandidat dr. Mirza Kršo je bio asistent i viši asistent na Katedri za Finansije Ekonomskog fakulteta Univerziteta u Sarajevu od 2009. do 2015. godine, a od 2016. godine kao nastavnik u zvanju docent.

U navedenom periodu, bio je angažovan kao saradnik na nastavnim predmetima „*Monetarne i javne finansije*“, „*Međunarodne finansije*“, „*Monetarna i fiskalna politika Evropske unije*“, „*Poslovne finansije*“, „*Monetarna analiza*“, „*Monetarne finansije*“, „*Javne finansije*“, „*Finansijska tržišta i institucije*“, „*Komparativni poreski sistemi*“, „*Monetary and Public Finance*“, „*Financial Markets and Institutions*“, „*Monetary and Fiscal Systems of EU*“, „*Macroeconomics*“.

Kao nosilac predmeta u docentskom statusu je angažovan na predmetima „*Monetarne i javne finansije*“, „*Monetarni i fiskalni sistemi Evropske unije*“.

Na drugom ciklusu studija angažovan je kao predavač na predmetima studija Naprednog finansijskog menadžmenta „*Javne finansije*“, „*Upravljanje bankarskim rizicima*“ i „*Komercijalno bankarstvo*“

U tom periodu, kandidat je stekao višegodišnje iskustvo u pedagoškom radu sa studentima i razvio je kompetencije, vještine i znanja koje bi andragoški djelatnici trebali posjedovati. U periodu od izbora u zvanje docenta, kandidat je uspješno mentorisao 2 kandidata tokom izrade završnog rada. Kao predsjednik ili član komisije sudjelovao je u radu velikog broja komisija za ocjenu i odbranu magistarskih/završnih i diplomskih radova.

Od izbora u zvanje docenta kandidat je nastavio profesionalno usavršavanje i edukaciju kroz niz programa i organizovanih od strane domaćih i međunarodnih institucija kao što su: Erasmus +, Summer School, Catholic University Lille, Juli 2019, USAID training,

„Microeconometrics using STATA“, 2019., Erasmus +, Economics of Integration, Wroclaw University of Economics, 2018.

Na temelju dostavljene dokumentacije, konstatujemo da je kandidat dr. Mirza Kršo stekao adekvatno iskustvo u pedagoškom radu, te ispunio uslove za izbor u pogledu mentorisanja kandidata II ciklusa studija.

5. MIŠLJENJE I PRIJEDLOG KOMISIJE

Na osnovu analize dokumentovanog naučnog, nastavno-pedagoškog i stručnog rada članovi Komisije za pripremanje prijedloga za izbor u zvanje vanredni profesor na oblast Finansije (1 nastavnik u zvanju vanredni profesor, puno radno vrijeme) konstatuju da dr. Mirza Kršo ispunjava sve uslove tražene odredbama Zakona o visokom obrazovanju Kantona Sarajevo i Statuta Univerziteta u Sarajevu za redovni izbor u zvanje vanrednog profesora na oblast Finansije. Dakle, pored opštih uslova propisanih Zakonom o radu FBiH, kandidat dr. Mirza Kršo, ispunjava i minimalne uslove za izbor akademskog osoblja u naučnonastavna zvanja na visokoškolskoj ustanovi koji se odnose na izbor nastavnika u zvanje vanredni profesor, a koji su propisani članom 96. Zakona o visokom obrazovanju ("Sl. novine Kantona Sarajevo" br. 33/17) i članovima 194., 201., 202. i 203. Statuta Univerziteta u Sarajevu:

- Proveden najmanje jedan izborni period u zvanju docenta;
- Najmanje pet naučnih radova iz oblasti za koju se bira objavljenih u priznatim publikacijama koje se nalaze u relevantnim naučnim bazama podataka;
- Objavljena knjiga;
- Originalni stručni uspjeh kao što je projekt, patent ili originalni metod, sve nakon izbora u zvanje docenta; te
- Uspješno završeno mentorstvo najmanje jednom kandidatu za stepen drugog ciklusa studija odnosno reformiranog/integriranog studija.

Na osnovu prethodno izloženih činjenica i informacija o rezultatima ostvarenim u nastavnom, pedagoškom, naučnom i istraživačkom radu, Komisija konstatuje i jedinstvena je u mišljenju da kandidat dr. Mirza Kršo ispunjava sve uslove predviđene Zakonom o visokom obrazovanju Kantona Sarajevo i Statutom Univerziteta u Sarajevu za izbor u zvanje vanredni

profesor na oblast FINANSIJE, u punom radnom vremenu.

Na osnovu gore navedenog, Komisija, sa zadovoljstvom predlaže Vijeću Ekonomskog fakulteta Univerziteta u Sarajevu i Senatu Univerziteta u Sarajevu da izaberu

DR. MIRZU KRŠO

u zvanje VANREDNI PROFESOR, na oblast FINANSIJE, puno radno vrijeme.

Sarajevo, 18.09.2020. godine

ČLANOVI KOMISIJE:

Prof. dr. Sead Kreso, predsjednik

Prof. dr. Dženan Đonlagić, član

Prof. dr. Muharem Karamujić, član
